

Апостол 25.11.2023

Б: Мир всем.

Я: И духови твоему.

Б: Премудрость.

Я: Прокимен глас 7:

Честна пред Господем / смерть преподобных Его.

Хор: Честна пред Господем.....

Я: Что воздам Господеви о всех, яже воздаде ми?

Хор: Честна пред Господем.....

Я: Честна пред Господем.

Хор: смерть преподобных Его.

Б: Премудрость.

Я: ко евреем послание святого Апостола Павла чтение.

Б: Вонмем

Братие, имуще убо Архиеереа велика, прошедшаго небеса, Иисуса Сына Божия, да держимся исповедания. Не имамы бо архиеереа не могуща спострадати немощем нашим, но искушена по всяческим по подобию, разве греха. Да приступаем убо с дерзновением к престолу благодати, яко да приимем милость и благодать обрящем во благовременну помощь. Всяк бо первосвященник, от человек приемлемь, за человеки поставляется на службы яже к Богу, да приносит дары же и жертвы о гресех. Спострадати могий

невежествуящим и заблуждающим, понеже и той немощию обложен есть. И сего ради должен есть якоже о людех, такоже и о себе приносить за грехи. И никтоже сам о себе приемлет честь, но званный от Бога, якоже и Аарон. Тако и Христос, не Себе прослави быти первосвященника, но Глаголавый к Нему: Сын Мой еси Ты, Аз днесь родих Тя. Якоже и инде глаголет: Ты еси священник во век по чину Мелхиседекову.

* (Евр 4:14–5:6; зач. 311)

Братие, благодать вам и мир от Бога Отца и Господа нашего Иисуса Христа, давшаго Себе по гресех наших, яко да избавит нас от настоящего века лукаваго, по воли Бога и Отца нашего, Ему же слава во веки веков. Аминь. Чуждуся, яко тако скоро прелагаетеся от звавшаго вы благодатию Христовою, во ино благовествование: еже несть ино, точию нецыи суть смущающии вы и хотящии превратити благовествование Христово. Но и аще мы, или Ангел с небесе благовестит вам паче, еже благовестихом вам, анафема да будет. Якоже предрекохом, и ныне паки глаголю: аще кто вам благовестит паче, еже приясте, анафема да будет. Ныне бо человеки препираю, или Бога, или ищущи человеком угождати? Аще бо бых еще человеком угождал, Христов раб не бых убо был. * (Гал 1:3–10; зач. 199)

Б: Мир ти.

Я: И духови твоему.

Б: Премудрость.

Я: Аллилуиа глас 2

Я: Уста праведнаго поучатся премудрости, и язык его
возглаголет суд.

Хор: Аллилуиа 3 раза

Я: Закон Бога его в сердце его, и не запнутся стопы его.

Хор: Аллилуиа 3 раза

Я: Воззваша праведнии, и Господь услыша их, и от всех
скорбей их избави их.

Хор: Аллилуиа 3 раза